



## საქართველოს მთავრობის დადგენილება

№ 421      2019 წლის 2 სექტემბერი ქ. თბილისი

„დიპლომისშემდგომი სამედიცინო განათლების პროგრამის დამტკიცების შესახებ“ საქართველოს მთავრობის 2014 წლის 11 ნოემბრის №624 დადგენილებაში ცვლილების შეტანის თაობაზე

**მუხლი 1.** „ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „დიპლომისშემდგომი სამედიცინო განათლების პროგრამის დამტკიცების შესახებ“ საქართველოს მთავრობის 2014 წლის 11 ნოემბრის №624 დადგენილებაში ([www.matsne.gov.ge](http://www.matsne.gov.ge), 13/11/2014, 470230000.10.003.018244) შეტანილ იქნეს ცვლილება და დადგენილებით დამტკიცებული „დიპლომისშემდგომი სამედიცინო განათლების პროგრამის“:

1. მე-2 მუხლი ჩამოყალიბდეს შემდეგი რედაქციით:

„**მუხლი 2.** პროგრამის ამოცანა

პროგრამის ამოცანაა:

ა) „ოკუპირებული ტერიტორიების შესახებ“ საქართველოს კანონით განსაზღვრულ ტერიტორიებზე და მაღალმთიან და საზღვრისპირა მუნიციპალიტეტებში მცხოვრები მოსახლეობისათვის სამედიცინო სერვისების მიწოდების უწყვეტობისა და გეოგრაფიული

ხელმისაწვდომობის გაუმჯობესება, ამ მუნიციპალიტეტებისათვის დეფიციტურ და პრიორიტეტულ საექიმო სპეციალობებში ადამიანური რესურსის მომზადების საშუალებით;

ბ) დიპლომისშემდგომი განათლების (პროფესიული მზადების)/სარეზიდენტო პროგრამებზე ფინანსური ხელმისაწვდომობის გაუმჯობესება;

გ) პროფესიული რეგულირების არსებული მექანიზმების ეფექტიანობის გაზრდა.;

დ) სოფლის ექიმის სახელმწიფო პროგრამის მიმწოდებელი სოფლის ექიმების (შემდგომში – სოფლის ექიმები) ცოდნისა და უნარ-ჩვევების გაუმჯობესება გავრცელებული ქრონიკული დაავადებების მართვის მიმართულებით.“.

## 2. მე-3 მუხლი ჩამოყალიბდეს შემდეგი რედაქციით:

### „მუხლი 3. პროგრამის ღონისძიებები

პროგრამა შედგება შემდეგი კომპონენტებისაგან:

ა) „ოკუპირებული ტერიტორიების შესახებ“ საქართველოს კანონით განსაზღვრული ტერიტორიებისა და მაღალმთიანი და საზღვრისპირა მუნიციპალიტეტებისათვის დეფიციტურ და პრიორიტეტულ საექიმო სპეციალობებში საექიმო სპეციალობების მაძიებელთა (შემდგომში – მაძიებელი) დიპლომისშემდგომი განათლების (პროფესიული მზადების) მიზნობრივი დაფინანსება;

ბ) საექიმო სპეციალობის მაძიებელთა დაფინანსება №1<sup>1</sup> დანართით განსაზღვრულ საექიმო სპეციალობებში;

გ) სოციალურად დაუცველი ოჯახების მონაცემთა ბაზაში 100 000-ზე ნაკლები სარეიტინგო ქულის მქონე საექიმო სპეციალობის მაძიებელთა დაფინანსება;

დ) საექიმო სპეციალობებში: „ალერგოლოგია-იმუნოლოგია“, „ინფექციური სნეულებები“, „ფთიზიატრია-პულმონოლოგია“;

„გასტროენტეროლოგია“, „ნეფროლოგია“, „რევმატოლოგია“, „ჰემატოლოგია/ტრანსფუზიოლოგია“, „ბავშვთა ნევროლოგია“, „ბავშვთა კარდიოლოგია-რევმატოლოგია“, „დერმატო-ვენეროლოგია“, „უროლოგია“, „კარდიოქირურგია“, „ოტორინოლარინგოლოგია“, „ოფთალმოლოგია“, „ნეიროქირურგია“, „ბავშვთა გადაუდებელი მედიცინა“, „კლინიკური ონკოლოგია“, „პათოლოგიური ანატომია – კლინიკური პათოლოგია“, „სასამართლო მედიცინა“, „ბავშვთა ქირურგია“ – ტესტ-კითხვარების გადამუშავება და ბაზების განახლება;

ე) ერთიანი დიპლომისშემდგომი საკვალიფიკაციო გამოცდებისათვის პროფილით – „მედიცინა“ და „სტომატოლოგია“ ტესტ-კითხვარების გადამუშავება (მ. შ., დახურული ბაზის ღია ბაზასთან ინტეგრირება) და ბაზების განახლება;

ვ) სოფლის ექიმების გადამზადება გავრცელებული ქრონიკული დაავადებების მართვის მიმართულებით.“.

### 3. მე-4 მუხლს დაემატოს შემდეგი შინაარსის მე-5 პუნქტი:

„5. პროგრამის მე-3 მუხლის „ვ“ ქვეპუნქტით განსაზღვრული სოფლის ექიმების გადამზადების დაფინანსება განხორციელდება შემდეგი მეთოდოლოგიის თანახმად:

ა) პროგრამის სამიზნე პოპულაციაა საქართველოს მასშტაბით პირველადი ჯანდაცვის სფეროში დასაქმებული სოფლის ექიმები;

ბ) სოფლის ექიმების მზადების განმახორციელებელი დაწესებულებები (შემდგომში – მზადების განმახორციელებელი) შეირჩევა „სახელმწიფო შესყიდვების შესახებ“ საქართველოს კანონის შესაბამისად;

გ) მზადების განმახორციელებელი (განმახორციელებლები) ვალდებული არიან, უზრუნველყონ სოფლის ექიმების გადამზადება გავრცელებული ქრონიკული დაავადებების (მ. შ., არტერიული ჰიპერტენზია, გულის იშემიური დაავადება, ფილტვის ქრონიკული ობსტრუქციული დაავადება, ბრონქული ასთმა, შაქრიანი დიაბეტი მეორე ტიპის, ეპილეფსია, პარკინსონი) მართვის მიმართულებით მათ მიერ ამ

მიზნით მომზადებული საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს პროფესიული განვითარების საბჭოს მიერ აკრედიტებული შესაბამისი უწყვეტი სამედიცინო განათლების პროგრამით (პროგრამის ხანგრძლივობა - 2 დღე (12 აკადემიური საათი));

დ) კომპონენტის განხორციელება მოიცავს ორ ფაზას:

დ.ა) პირველი ფაზა – „ტრენინგის ორგანიზება“, რომლის ფარგლებშიც მზადების განმახორციელებელი (განმახორციელებლები) ვალდებულია (ვალდებულნი არიან), უზრუნველყოს (უზრუნველყონ):

დ.ა.ა) ტრენინგების გეგმა-გრაფიკის შედგენა (ბენეფიციართა სია მიწოდებული იქნება შემსყიდველი ორგანიზაციის მიერ) და ტრენინგის ჩატარების ლოკაციების განსაზღვრა, გეოგრაფიული ხელმისაწვდომობის პრინციპის დაცვით. ამასთან, ერთ ჯგუფში ექიმთა რაოდენობა არ უნდა აღემატებოდეს 20-ს;

დ.ა.ბ) ტრენინგის ბენეფიციართა შეფასების მეთოდოლოგიის შემუშავება;

დ.ა.გ) ტრენინგის ბენეფიციართა ინფორმირება ტრენინგის თაობაზე (მ. შ., ტრენინგის ჩატარების თარიღისა და ადგილის შესახებ);

დ.ბ) მეორე ფაზა – „ტრენინგის ჩატარება“, რომლის ფარგლებშიც მზადების განმახორციელებელი (განმახორციელებლები) ვალდებულია (ვალდებულნი არიან), უზრუნველყოს (უზრუნველყონ):

დ.ბ.ა) სასწავლო პროცესის ჩატარებისათვის სათანადო ინფრასტრუქტურის მოძიება/დაქირავება;

დ.ბ.ბ) სასწავლო გარემოს უზრუნველყოფა, მ. შ., სასწავლო პროცესის ჩატარება საკმარისი რაოდენობის პედაგოგიური რესურსის საშუალებით;

დ.ბ.გ) ტრენინგის ბენეფიციარებისთვის სასწავლო მასალის მიწოდება;

დ.ბ.დ) ტრენინგის განხორციელების მონიტორინგი;

დ.ბ.ე) ტრენინგის ბენეფიციართა ელექტრონული ბაზის შექმნა;

დ.ბ.ვ) ტრენინგის ბენეფიციართა კვება (ე. წ., საუზმე);

დ.ბ.ზ) ტრენინგის ბენეფიციართა განსახლება;

ე) გარკვეულ შემთხვევებში (შესაბამისი დოკუმენტების წამოდგენისას), მზადების განმახორციელებელი (განმახორციელებლები), ასევე ვალდებულია (ვალდებულნი არიან), აანაზღაუროს (აანაზღაურონ) ტრენინგის ბენეფიციარის მიერ ტრანსპორტირებაზე გაწეული ფაქტობრივი ხარჯი;

ვ) პროგრამაში ჩართული მზადების განმახორციელებელი (განმახორციელებლები) დაფინანსდება (დაფინანსდებიან) ამ პროგრამის მე-5 მუხლით განსაზღვრული წესით.“.

**4. მე-5 მუხლს დაემატოს შემდეგი შინაარსის მე-3 პუნქტი:**

„3. აღნიშნული პროგრამის მე-3 მუხლის „ვ“ ქვეპუნქტით განსაზღვრული კომპონენტისათვის მზადების განმახორციელებლის (განმახორციელებლების) დაფინანსების წესი და ოდენობა განისაზღვრება შემდეგი პრინციპით:

ა) ანაზღაურება განხორციელდება ტრენინგის ჩატარების შემდეგ, ყოველთვიურად, შესაბამისი თვის განმავლობაში ფაქტობრივად გაწეული მომსახურების საფუძველზე, თითოეულ ბენეფიციარზე გადაანგარიშებით. ამასთან, ერთ ბენეფიციარზე ასანაზღაურებელი თანხის მაქსიმალური ოდენობა ტრენინგის ფარგლებში განისაზღვრება არა უმეტეს 350 (სამას ორმოცდაათი) ლარით;

ბ) მზადების განმახორციელებლის (განმახორციელებლების) მიერ წარმოდგენილი ღირებულება უნდა მოიცავდეს მომსახურებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.“.

**მუხლი 2. დადგენილება ამოქმედდეს გამოქვეყნებისთანავე.**

პრემიერ-მინისტრი



მამუკა ბახტაძე